

Zvonko Marić  
Zastupnik SBB BIH

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
SKUPŠTINA KANTONA SARAJEVO

n/r Ministarstvo zdravstva KS; Zavod zdravstvenog osiguranja KS; Vlada Kantona Sarajevo

Sarajevo, 26.3.2019.godina

### **ZASTUPNIČKO PITANJE**

Budući da je Skupština KS donijela odluku o mogućnosti refundiranja sredstava pacijentima za kupovinu reagensa u svojoj režiji, smatram da nije provedena odluka Skupštine KS što je protuzakonito ponašanje i nedopustivo je sa stanovišta parlamentarne prakse. Mislim da se neprovođenjem odluka narušava dignitet najvišeg zakonodavnog tijela. Previše je servirano laži i licimjerstva građanima, tako da je ovo neprovođenje odluke bilo potpuno bespotrebno i stoga tražim odgovornost nadležnih vezano za ovo pitanje.

Zavod zdravstvenog osiguranja KS je tražio sve moguće birokratske načine kako bi onemogućio refundaciju pacijentima za troškove koje su imali iz osnovog paketa osiguranja. Taj isti ZZO KS iskazuje potpuno neosjetljivost prema pacijentima, prevashodno onima koji pune budžet koji je preko četiri stotine miliona KM, a uz to svojim nečinjenjem i neradom dodatno stvara troškove za osigurane pacijente. Insistiram da se ispita odgovornost od resornog ministarstva zdravstva do ZZO jer je u jeku sezne gripa i prehlada došlo do nestašice reagensa što je dodatno stavilo u probleme zdravstvene osiguranike. Isto tako smatram da je svojevrsnu opstrukciju ZZO napravio i kada nije doznačio namijenjena sredstva za Domove zdravlja KS pod izgovorom da ta sredstva jesu namijenja za domove zdravlja, a nije precizirano za koje namjene. Budući da je bila alarmantna situacija, postojala je mogućnost da se odobri nabavka reagensa i da se doznači ta tranša, a da se obavežu Domovi zdravlja KS da opravdaju taj novac. Međutim ni tu očigledno nije bilo volje, i svojevrsna manipulacija i opstrukcija je evidentna i u ovom lancu nadležnosti i odgovornosti. Ovakim ponašanjem stiče se utisak da je omalovažavana i Skupština KS, Vlada KS, resorno ministarstvo i da je percepcija većine građana kako je nastavljen kontinuitet plasiranja laži građanima kojima bismo trebali biti servis. Zato još jednom podcrtavam da ovaj put Vlada KS i Skupština KS ne bi smjele ostati nijeme na sve to, već zatražiti odgovornost nadležnih institucija na relaciji resorno ministarstvo – Zavod zdravstvenog osiguranja KS.

Zastupnik SBB BIH  
Zvonko Marić

